

KALON JEZUZ

War don : *Me ho salud, Stereden vor.
pe ; Jesu dulcis memoria.*

Eur c'haner, enn he unan :

Ha c'houi oar hag en ne ve ket
Dousoc'h ha mel neve wasket,
Dousoc'h ha mel d'eunn den klanyuz ?

Ann oll, war eunn dro :

— O ! ia, me oar, Kalon Jezuz ! (1)

Na bean ve ker fresk netra
Ha dour karreg o tivera,
O vera enn est sec'heduz ?
— O ! ia, me oar, Kalon Jezuz !

C'houi oar hag en ve kad buan
Koulz ha porz-mor da vag vian,
Gand avel-benn ha mor spontuz ?
— O ! ia, me oar, Kalon Jezuz !

Bean ve kaeroc'h, c'houi larfe,
Ha kan estik da c'houlou-de,
Ha kan estig er c'hood glizuz ?
— O ! ia, me oar, Kalon Jezuz !

(1) Evel-se gand pep kouplad.

Gwelet hoc'h euz lagad mabik,
Hag en difunet doustadik :
Daoust hag en zo tra ker joauz ?
— O ! ia, me oar, Kalon Jezuz !

Kad e rafec'h netra ker mad
Ha kalon mamm evid he mab,
He mab, war he barlenn, o kuz ?
— O ! ia, me oar, Kalon Jezuz !

D'eur Breton pell pell euz he vro,
Hag en 'stangfe tra he daero,
'Vel klevet komz he iez meluz ?
— O ! ia, me oar, Kalon Jezuz !

Me 'm euz gwelet ann daonzeden,
Pleget gant-hi he fenn melen ;
Hag en 'zo tra muoc'h boeduz ?
— O ! ia, me oar, Kalon Jezuz !

Eur vamm a lere gand daero :
« *Ma mab penner a zo maro !* »
Hag en zo tra ken truezuz ?
— O ! ia, me oar, Kalon Jezuz !

N'euz ket da stourm ouz avel-dro
Kerkoulz ha gwe dero ma bro,
N'euz ket, n'eo gwir, muoc'h nerzuz ?
— O ! ia, me oar, Kalon Jezuz !

Deuz 'ta, deuz, pec'her, ma mignon,
Deuz, er bed-man n'euz tra gwirion :
Me oar piou ez lako euruz,
— O ! ia, me oar, Kalon Jezuz !

Re aliez 'out bet skuizet
O klasg er bed gwir vignoned ;
Me oar unan karantezuz,
— O ! ia, me oar, Kalon Jezuz !

Ha pe deui trubuil enn ez ti,
Jezuz 'n o sonj, hag e kavi
Kalon eunn tad trugarezuz :
— O ! ia, me oar, Kalon Jezuz !

O ! ia, me oar piou a zavo,
Diwar-n-omb-ni, ar bec'h a zo :
Me oar piou 'zo oll-gallouduz,
— O ! ia, me oar, Kalon Jezuz !

— Skeul ann Env zo zond hag huel :
Deuz, ha ni iell a denn-askel ;
Me oar piou a zo kennerzuz :
O ! ia, me oar, Kalon Jezuz !

— Ouz ho kalon, o ma Doue,
Perstaget ma c'halon hirie,
Ha dre-oll me gano skiltruz :
N'EUZ KED EVEL KALON JEZUZ!

Kure Traougeri.

M. Le Pon-

Neb a gano ar c'hantik-man gant doujanz Doue, e roan d'ehan, a
greiz kalon, daou-ugent devez induljanso.

Zan-Brieg, enn naved-war-n'ugend a viz mae 1880.



† AUGUSTIN,
ESKOP SANT-BRIEG HA LANDREGER.

Landreger, e ty intavez AR FLEM, Mouler.